



Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||
Jesv Theologi.|| De || Christiani hominis || Perfectione In
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipue desumpta

Puente, Luis de la

Coloniæ Agrippinæ, 1625

§. 1. Vocatio per beneficia.

urn:nbn:de:hbz:466:1-39652

fauorem; in alijs contrā aduersitates sunt fauores; prosperitates verò pœnæ & supplicia. Ex quo etiam apparet, occultissimas esse vias, per quas Dominus Noster varios huiusmodi euentus disponit: adeò ut etiam de huiusmodi vijs intelligi possit Dei interrogatio, qua à S. Iob quæsivit: a *indica mihi, si nosti, per quam viam spargatur lux prosperitatum, quias ego hominibus mitto; & qua dividatur Iesus aduersitatum, quibus ego illos premo?* hoc enim sapientiae meæ soli relinquitur; meaque occultâ prouidentiâ contrarias has fortes inter bonos & malos distribuo: nunc ut Iustitiae; nunc ut Misericordiæ dem locutus. ut qui in meis operibus iustus sim & misericors: quamuis præcipuuſ meus scopus non ad damnationem, sed in salutem hominum tendat: nec aduersitates, aut prosperitates mitto, vt ipsi peccent, ac damnentur; sed ut mihi seruientes salvi fiant. Ex libero itaque illorum arbitrio solo malus harum rerum vſus oritur, & illorum perditio: à mea verò gratia præcipue prouenit bonus earundem vſus, vt finem, ad quem eas dirigo, consequantur.

a *Iob. 33. 24.*§. 1. *Vocatio per beneficia.*

PRIMVM quoniam Deus Dominus Noster ed magis propendet, vt via portiū amoris quām timoris, ad suum nos obsequium deducat: idèò quodd in ipso est, per prosperitates & beneficia, quæ cor alliunt; quām per aduersitates & pœnas, quæ illud terrent, vocare nos, & ad se attrahere malleat: quemadmodum ipfmet per Oseam Prophetam clare satis ostendit, dicens: *a quando puer erat Israel dilexi eum, & ex Egypro vocauit hunc Filium meum: in nomine meo vocauerunt eos Moys& & Aaron, sed mox abierunt à facie eorum: Baalim immolabant, & simulacris sacrificabant. Et ego quasi nutritius Ephraim portabam eum in brachiis meis, & ne sciuī quod curarem eum à vitijs suis. In funiculis Adam traham eos, in vinculis Charitatis: & ero eis quasi exaltans: & auferens iugum, quod habebant super maxillas suas: & declinatio; ac meipsum dimittam, vt porrigam, quo vescetur. quibus dulcioribus verbis potuit peccatoris vocatio explicari: quem Deus Dominus Noster tanquam Filium tractare cupit? quamuis ipse, vt potè rufis & ignarus, id non agnoscens, verum Deum adorare prætermittat: suisque factis creaturas, quas amore nimio prosequitur, tanquam idola colat: est tamen cœlestis huius Patris adeò immensa charitas, vt non cesset beneficia in eum plura conferre, vt à peccatis eripiatur. Ovtinam oculos, & aures animæ tuæ aperires, vt quæ Deus erga te facit, videres; &, quæ per tot beneficia loquitur, audires! intendit enim magnus hic Deus, te à tyrannde Pharaonis, hoc est Demonis, & à captiuitate Aegypti, hoc est peccati eripere; idèò tū suis inspirationibus, tū per Moysen & Aaron Prælatos scilicet, Ecclesiaque prædicatores te Vocat. Et quamuis*

a *Osee. 11. 1.*

Funiculi.
Adam.

Vincula
Charitatis.
b. 10.3.12.
31.

c. 15.4.12. 4

Matth. 11.
28.

potuisset flagellis, & aduersitatum baculis trahere; non vult semper eā seueritate vti, eo quod tenerē te diligat: ac propterea *in funiculis Adam, & in vinculis charitatis trahere* vult: funiculis scilicet & vinculis, quibus trahi solent, ligari, & conuinci homines, qui rationi dant locum; & filij parentibus dilectissimi: fauoribus scilicet ac beneficijs, reuocans tibi in memoriam plurima, quā haec tenus in te contulit, & nunc confert; ac in posterum conferre desiderat: nisi ipse tibi deesse velis. Funiculi Adam, beneficia sunt naturae, quibus frueris; Celi, qui te illuminant; Ignis, qui calefacit; Aēt, quo respiras; Aqua, quam bibis; ac cibus; quem sumis. Similiter honor, facultates, sanitas, sensus, & potentia, quibus es præditus: & ipsamet vita vincula sunt; quā Deus coniicit in collum tuum: non ut te præfocet, sed ut mortem fugiens, veram vitam consequaris. Vincula sunt Charitatis, superna beneficia generalia & particularia, quibus te ditat. Vinculum siue catena una est, ipsius filij Dei incarnatio. Natiuitas, vita eius tota, Passio ac Mors: quae catena tot constat annulis, quot sunt peregrinationes, quas pergit; sermones, quos prædicavit; miracula, quae fecit; persecutions, infamiae, & cruciatus, quos sustinuit usque ad mortem in cruce: b. *qua exaltatus fuit à terra, quemadmodum ipse dixit, ut omnes homines dulciac & iucunda catena ligatos, ad se ipsum traheret.* Vincula quoque sunt Charitatis, Sacra menta, Sacrificia, Scripturæ Sacrae, & reliqua auxilia, quae in tuū subsidium & remedium in Ecclesia sua reposita habet; & specialia, quae ipsemet tibi præbet, inspirationes, quibus te præuenit; spirituales consolationes, quas tibi impartitur; orationes tuæ, quas exaudiit; pericula de quibus te eruit: ne in infernum, quem iuste promeritus fueras, descenderes. Cur ergo non libenter videoas, te huiusmodi funiculis trahi, & vinculis talibus vincitum deduci? cum verè tendant ad tuam veram libertatem? Nunquam enim magis es liber, quam cum hac ratione vincitus & constrictus teneris. Addit vero Isaías: quemadmodum agricola *ingum* remouit à bobus, triturando defatigatis, & postea manu sua pabulum illis porrigit: ita Deus grauissimum Dæmonis iugum, quo portando valde es defatigatus, auferet: culpas scilicet, & meritas penas; illas remittendo, has moderando. Iugum vero onusq: legis suæ ita subleuando, ut suauiter possis illud portare. ad quod melius. præstandū: *declinavi, inquit, ut vesceretur.* Ipsemet demittit se, ut tibi det, quod comedas; non panem manibus Angelorum confectū, sicut Manna; sed panē Spiritus S. virtute formatū proprium scil. suū corpus, ab iunctenim seipsū Deus, ut fiat cibus hominis. Et præterea proprijs manibus mensam tibi sternit spiritualibus animæ cibis refertā: imo & ijs, quibus ipsū corpus indiget. Ab ipsis enim prouidentia venit tibi, quicquid corpus aut animā n'utrit: & ad omnia te inuitat, cum dicit: d. *Venite ad me omnes, qui laboratis,*

et one-

& onerati es sis: & ego reficiam vos. Cur ergo non tequaris tam benè tibi facientem? ostendis, inquit, S. Augustinus oui gramen, & puero nuces: & sic trahis illos post te: cum ergò Deus quotidie tibi ostendar cibos ac delicias, quas tibi offert: cur non cum sequaris, eiusque vocationi obedias.

Hoc vocationis genere solet Deus D. N. duo præcipue genera peccatorum vocare. Primum est generosæ ac ac nobilis conditionis: cuius causa, facilius tanquam filij, ducuntur amore, quam timore, ut serui. Huius generis esse solent, qui fuerunt aliquando perfecti; sed ex passione aliqua, aut infirmitate lapsi sunt in grauia aliqua peccata: quemadmodum videre licet, in admiranda Dauidis Regis vocatione, quando lapsus fuit in adulterium & homicidium, cum totius regni ipsius scandalio, tantaque proprij derimenti obliuione; ut decem fere menses à lapsu suo transferint, nihil ipso de remedio cogitante. Sed non est oblitus infinitus animarum amator, de remedio illi prospicere: vbi enim amor viget, non habet locum obliuio. Quem ut à profundo somno excitaret, misit Nathan Prophetam, ut ei diceret: *e Hac dicit Dominus Deus Israël: ego unxi te in Regem super Israël, & eruixi de manu Saul, & deditibi domum Domini tui, & uxores Domini tui in sinatu tuo; dedique tibi domum Israël & Iuda: & si parua sunt ista, adiiciam tibi multo maiora.* Enumerabo scilicet alia maiora, tam quæ haec tenus contuli, quam quæ conferre cogitabam. *Quare ergo contempsti verbum Domini, ut faceres malum in conspectu meo?* O amorem Dei interminum! ô ignem diuinum nunquam dicentem: *sefficit!* Quid enim hoc totum sibi voluit, nisi ingrato illi Regi significari: si propterea me dereliquisti, quod mea in te collata beneficia exigua esse iudicares: conuertere ad me, & ego tibi conferam maiora. Quodnam ergo adeò durum cor esse poterit, quod his rationibus, ac promissis non emolliatur? & quis adeò ferus homo, qui non finat se beneficiis adeò catenis ligari? benè cognovit & assescutus est Dauid harum rationum pondus, ac vim ex cœlesti luce, quam à Domino vocante accepit siquidem vix ea audiuerat, cum, magno suorum peccatorum dolore, verbum illud non minori interno animi sensu, quam breuitate, tantaque efficitate atque interno sensu protulit: *d peccavi Domino. imd e illi soli peccavi.* Nam licet Vriam occidendo, in ipsum peccavi; & in Bersabee eius coniugem, cui abstuli honorem; & in populum vniuersum cui malum exemplum præbui. omnes tamen hæ iniuriæ sunt quasi non essent, cum ea collata, quam benefactori meo infinito intuli, à quo infinita beneficia accepi; & nunc, cum illius ego essem immemor, recordatus est mei: & cum ego horrenda supplicia essem promeritus, noua mihi offert beneficia, nouosque fauores. Fuit hæc Dauidis pœnitudo adeò perfecta, eò quod orta esset ab igne amoris, qui ex sermone diuinorum beneficiornm accensus erat; ut è

Tract. 26.
in Ioan.

2.
Beneficijs
generosi du-
cuntur.

c 1. Reg. 12.
7.

d 2. Reg. 12.
93.
e Psal. 50.6.

vestigio, peccatorum suorum veniam obtinuerit: tibiique proponitur tanquam exemplar, ut si errantem securus es, sequaris penitentem, & emendatum: aures tuas ad audienda beneficia accommodans, quae Deus ei confert, qui post lapsum penitentia ducitur, conuertitur, ac le emendat.

3. Pauperes beneficijs trahuntur.

Ruth. 1. 6. ALIUD est genus peccatorum, qui impingunt ex occasione paupertatis, & aduersitatis: quas vt euadant, grauia scelera admittunt. Est verò tanta Dei nostri misericordia, vt molliori eos manu tractet; necessitatibus eorum subueniendo, eoque beneficio, ad malum peccati statum dimittendum, alliciendo. Quod mirificè nobis ob oculos ponit euentus ille, quem liber Ruth nobis refert. Quemadmodum enim fames, quae in Iudea prævaluebat, in causa fuit, cur Elimelech cum uxore & filiis ex Bethlehem exiret, & in regionem Moab migrarer, vbi alimentorum erat abundantia: postea verò marito & filiis orbata Noëmi, surrexit, vt ex Moab in patriam rediret: *f. audinerat enim quod respexit Dominus populum suum, & dedisset eis escas: ita innumeri homines famem, paupertatem, & alias temporales necessitates fugientes, à Iustorum congregatione recedunt: imò nonnunquam à congregatione fidelium, ipsa scilicet Ecclesia; transiuntque ad partes peccatorum, aut etiam infidelium; quorum sequuntur peruersos mores, vt miseria eorum bonis vti possint. Quibus tamen non obstantes, solet Dominus noster populum suum misericordie oculis aspicere; tantamque escarum copiam eis offerre, vt etiam peccatores, illis fruantur: projiciens in eos beneficiorum flamas, qui penarum ac suppliciorum flamas erant promeriti: & remouens paupertatis offendiculum, quae fuerat ipsis caula ruina; excitat, & impellit ad penitentiam, ac desiderium redeundi; cique seruendi, qui tot in eos confert beneficia, ita vt videatur D. N. exequi velle Salomonis consilium, dicentis: *g. si furierit inimicus tuus, ciba illum: si fitierit, da ei aquam bibere: prunas enim congregabis super caput eum: quae tui amore illum vorant, & ex hoste reddant amicum: facientes, vt iniuriæ tibi illatae cum peniteant. Qui sunt autem Dei inimici, nisi peccatores? & quae prunæ ardentes, nisi beneficia eis amanter collata? quando igitur Deus hosce suos inimicos in paupertate, auralia aduersitate constitutos videt, accurrit, vt eam aduersitatem moderetur, vel omnino remoueat: & huiusmodi beneficiorum prunis eos accendens, prouocat ad penitentiam in cilio & cinere amplectendam, culpeaque iniicitiam depo-**

FRuth. 1. 6.

*g. Pro. 25. 21
Rom. 12.
10.*

nendam,

§. 2. Multo